



# CONCELLO DE FRIOL (LUGO)

## ORDENANZA FISCAL REGULADORA DA TAXA POR EXPEDICIÓN DE DOCUMENTOS ADMINISTRATIVOS

### **Artigo 1º. - Fundamento e natureza.**

En uso das facultades concedidas polos artigos 133.2 e 142 da Constitución e polo artigo 106 da Lei 7/85, do 2 de abril, nos artigos 15 a 19 da Lei 39/1988, do 28 de decembro, reguladora das Facendas Locais, este Concello establece a Taxa por expedición de documentos administrativos, que se rexerá pola presente Ordenanza Fiscal, as normas da cal atenden ao previsto no artigo 58 da citada Lei 39/1988.

### **Artigo 2º. - Feito imponible.**

1. - Constitúe o feito imponible da Taxa a actividade administrativa desenvolvida con motivo da tramitación, a instancia de parte, de toda clase de documentos que expida e de expedientes de que entenda a Administración ou as Autoridades Municipais.

2. - Para estes efectos entenderase tramitada a instancia de parte calquera documentación administrativa que fose provocada polo particular ou redunde no seu beneficio aínda que non mediara solicitude expresa do interesado.

3. - Non estará suxeita a esta Taxa a tramitación de documentos e expedientes necesarios para o cumprimento de obrigas fiscais, así como as consultas tributarias, os expedientes de devolución de ingresos indebidos, os recursos administrativos contra resolucións municipais de calquera índole e os relativos á prestación de servizos ou realización de actividades de competencia municipal e á utilización privativa ou o aproveitamento especial de bens de dominio público municipal, que estean gravados por outra Taxa municipal ou polos que se esixa un prezo público por este Concello.

### **Artigo 3º. - Suxeito pasivo.**

Son suxeitos pasivos contribuíntes as persoas físicas e xurídicas e as entidades a que se refire o artigo 33 da Lei Xeral Tributaria que soliciten, provoquen ou no interese da cal redunde a tramitación do documento ou expediente de que se trate.

### **Artigo 4º. - Responsables.**

1. - Responderán solidariamente das obrigas tributarias do suxeito pasivo as persoas físicas e xurídicas a que se refiren os artigos 38.1 e 39 de Lei Xeral Tributaria.

2. - Serán responsable subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 40 da Lei Xeral Tributaria.

### **Artigo 5º. - Exencións subxectivas.**

Gozarán de exención aqueles contribuíntes en que concorra algunha das seguintes circunstancias:

1. - Ser declaradas pobre por precepto legal.

2. - Estar inscrita no Padrón de Beneficencia como pobres de solemnidade.

3. - Obter o beneficio xudicial de pobreza, respecto aos expedientes que deben surtir efecto, precisamente, no procedemento xudicial no que fosen declarados pobres.

### **Artigo 6º. - Cota Tributaria.**



# CONCELLO DE FRIOL (LUGO)

1. - A cota tributaria determinarase por unha cantidade fixa sinalada segundo a natureza dos documentos ou expedientes a tramitar, de acordo coa tarifa que contén o artigo seguinte.
2. - A cota de tarifa correspondente á tramitación completa, en cada instancia, do documento ou expediente de que se trate, dende a súa iniciación ata a súa resolución final, incluída a certificación e notificación ao interesado do acordo recaído.
3. - As cotas resultantes por aplicación das anteriores tarifas incrementaranse nun 50 por 100 cando os interesados solicitasen con carácter de urxencia a tramitación dos expedientes que motivasen a remuneración.

## **Artigo 7º. - Tarifa.**

A tarifa a que se refire o artigo anterior estrutúrase nos seguintes epígrafes:

### Epígrafe primeiro.- Censos de poboación de habitantes

|                                                                  |            |
|------------------------------------------------------------------|------------|
| 1.1.- Certificacións de empadramento (vixentes).....             | 1,80 euros |
| 1.2.- Certificacións de censos anteriores.....                   | 3,01 euros |
| 1.3.- Declaracións xuradas.....                                  | 1,80 euros |
| 1.4.- Outras certificacións referidas a censos de poboación..... | 3,01 euros |

### Epígrafe segundo.- Certificacións e compulsas

|                                                               |            |
|---------------------------------------------------------------|------------|
| 2.1.- Certificacións de documentos ou acordos municipais..... | 3,01 euros |
| 2.2.- Demás certificacións.....                               | 3,01 euros |
| 2.3.- Compulsa por unha cara.....                             | 0,60 euros |
| 2.4.- Compulsa polas dúas caras.....                          | 0,90 euros |

### Epígrafe terceiro.- Documentos relativos a servizos de Urbanismo

|                                                                    |             |
|--------------------------------------------------------------------|-------------|
| 3.1.- Por cada expediente de declaración de ruína de edificios.... | 45,08 euros |
| 3.2.- Por cada certificación de servizos urbanísticos.....         | 6,01 euros  |

### Epígrafe cuarto.- Licencias, autorizacións e concesións

|                                                                                               |             |
|-----------------------------------------------------------------------------------------------|-------------|
| 4.1.- Por tramitación de calquera expediente de obras en xeral..                              | 6,01 euros  |
| 4.2.- Por tramitación dun expediente de actividades molestas,<br>nocivas e perigosas.....     | 15,03 euros |
| 4.3.- Por tramitación de calquera outro expediente non incluído<br>nos puntos anteriores..... | 6,01 euros  |
| 4.4.- Expedición de tarxetas para automóbiles de servizo<br>público.....                      | 12,02 euros |
| 4.5.- Autorizacións de venda ambulante.....                                                   | 15,03 euros |

### Epígrafe quinto.- Outros expedientes ou documentos

|                                                               |            |
|---------------------------------------------------------------|------------|
| 5.1.- Por calquera outro expediente non expresamente tarifado | 6,01 euros |
|---------------------------------------------------------------|------------|

## **Artigo 8º. - Bonificacións da cota.**

Non se concederán bonificación ningunha dos importes das cotas tributarias sinaladas na Tarifa desta Taxa.

## **Artigo 9º. - Remuneración.**

1. - Devengarse a Taxa e nace a obriga de contribuír cando se presente a solicitude que inicie a tramitación dos documentos e expediente suxeitos ao tributo.



## **CONCELLO DE FRIOL (LUGO)**

2. - Nos casos a que se refire o número 2 do artigo 2º, a remuneración prodúcese cando teñan lugar as circunstancias que provean a actuación municipal de oficio ou cando esta se inicie sen previa solicitude do interesado pero redunde no seu beneficio.

### **Artigo 10º. - Declaración en ingreso.**

1. - A Taxa esixirase en réxime de autoliquidación, polo procedemento do selo municipal adherido ao escrito de solicitude de tramitación do documento ou expediente, ou nestes mesmos se aquel escrito non existiere, ou a solicitude non fóra expresa.

2. - Os escritos recibidos polos condutos a que fai referencia o artigo 66 da Lei de Procedemento Administrativo, que non veñan debidamente reintegrados, serán admitidos provisionalmente, pero non poderán dárseles curso sen que se emende a deficiencia, ao fin da cal se requirirá ao interesado para que, no prazo de dez días aboe as cotas correspondentes co apercibimento de que, transcorrido o devandito prazo sen efectualo, se terán os escritos por non presentados e será arquivada a solicitude.

3. - As certificacións ou documentos que expida a Administración Municipal en virtude de oficio de xulgados ou tribunais para toda clase de pelitos, non se entregarán nin remitirán sen que previamente se satisfixera a correspondente cota tributaria.

### **Artigo 11. - Infraccións e sancións.**

En todo o relativo á cualificación de infraccións tributarias, así como das sancións que a estas correspondan en cada caso, estarase ao disposto nos artigos 77 e seguintes da Lei Xeral Tributaria.

### **DISPOSICIÓN FINAL**

A presente Ordenanza Fiscal entrará en vigor o mesmo día da súa publicación no Boletín Oficial da Provincia e será de aplicación a partir do día 1º de xaneiro de 1996, permanecendo en vigor ata a súa modificación ou derogación expresa.